

LISEBELISOA TSA THUTO EA LELAPA



Shepherds Global Classroom e teng ho hlomella 'mele oa Kreste ka ho fana ka lenaneo-thuto bakeng sa baetapele ba ntseng ba hola ba Bakreste lefatšeng ka bophara. Re ikemiselitse ho atisa mananeo a koetliso ea matsotaloa a moo ka ho beha thupelo ea lithuto tse 20 matsohong a bakoetlisi ba moea naheng e 'ngoe le e 'ngoe ea lefatše.

Thupelo ena e fumaneha ho nkoa mahala marang-rang ho <https://www.shepherdsglobal.org/courses>

Copyright © 2023 Shepherds Global Classroom
E fetoletsoe puong ea Sesotho ho tsoa ho Khatiso ea Pele ea Senyesemane.

Litokelo tsohle li sirelelitsoe.

Litšupiso tsa Bible bukeng ena li nkiloe ho Contemporary Southern Sotho Bible (City Bible Foundation) Copyright © 2024, e fumanehang ho https://www.bible.com/bible/3845/GEN.1_1.CSOB24. Ka kōpo, sebelisa phetolelo efe kapa efe ea Bible e fumanehang ho bala litemana tsa Bible thutong ena.

Lipotso e Likarabo bakeng sa Bana ba Banyenyane

Mongoli: Johnathan Arnold

Ho tsoa bukeng ea Johnathan Arnold, *Holy Joys Kidš Catechism*, 2022. Bakeng sa tokisetso ea khatiso ea katikisima ena e nang le litšoantšiso tse ntle, etela <https://holyjoys.org/shop>. E sebelisoa ka tumello.

Lipotso le Likarabo bakeng sa Bana

Bangoli: Dr. Matt Friedman le Dr. Ray Easley

Hotsoa bukeng ea Dr. Matt Friedeman, *Discipleship in the Home*, (Wilmore: Francis Asbury Society, 2010), pp. 125-143.

E sebelisoa ka tumello, e khutsufalelitsoe hanyenyane ho tloha ho lipotso tse 126 ho isa ho tse 116, ka liphetohe tse fokolang.

Melaoana hotsoa ho Diproverbia

Mongoli ea etelletseng pele: Dr. Stephen K. Gibson

Tsebisoe ea Litumello:

Thupelo ena e ka hatisoa le ho ajoa ka bolokolohi ka mokhoa oa khatiso le oa 'digital' tlas'a tataiso e latelang: (1) Litaba tsa thupelo li kanna tsa se ke tsa fetoloa ka tsela leha e le efe; (2) Likopi li ke ke tsa rekisoa bakeng sa phaelo; (3) Litsi tsa thuto li lokolohile ho sebelisa / ho kopitsa thupelo ena, leha li lefisa litefiso tsa thuto; le (4) Thupelo e ke ke ea fetoleloa ntle le tumello le tlhokomelo ea sehlopha sa Shepherds Global Classroom.

Tse Kahare

| | |
|--|----|
| Tumelo Ea Baapostola | 5 |
| Thapelo Ea Morena..... | 6 |
| Ho Batsoali: Lisebelisoa 1 & 2 | 7 |
| Lipotso Le Likarabo bakeng sa Bana ba Banyenyane..... | 11 |
| Lipotso le Likarabo bakeng sa Bana | 19 |
| Ho Batsoali: Sesebelisoa 3 | 39 |
| Melao-motheo ho tsoa ho Diproverbia..... | 41 |

Tumelo Ea Baapostola

Ke lumela ho Molimo Ntate ea Matla Oohle,
`Mopi oa Leholimo le Lefatše;

Le ho Jesu Kreste, Mora oa hae a `notši, Morena oa
rōna.

ea emotsoeng ka matla a Moea o Halalelang
ea tšoetsoeng ke Moroetsana Maria.

ea utloisitsoeng bohloko mehleng ea Pontše Pilato,
ea thakhisitsoeng, a shoa, a patoa lebitleng,
A theohela nq'along ea bafu.

A tsoha bafung ka letsatsi la boraro.

A nyolohela Leholimong

o lutse letsohong le letona

la Molimo Ntate ea Matla Oohle;

`me o tla khuta teng

ho tla ahlola ba phelang le ba shoeleng.

Ke lumela ho Moea o Halalelang,

Le ho kereke e halalelang e ka lefatše lohle,

Le ho kopano ea bahalaleli,

Le ho tšoarelo ea libe,

Le ho tsohong ea `mele,

Le ho bophelo bo sa feleng. Amen.

Thapelo Ea Morena

Ntata rona ya mahodimong, lebitso la hao le ke le kgethehe.

Mmuso wa hao o tle.

Thato ea hao e etsoe lefatšeng, joalokaha e etsahala leholimong.

O re fe kajeno bohobe ba rona ba tsatsi le leng le le leng.

Mme o re tshwarele melato ya rona, jwalokaha le rona re tshwarela ba nang le melato ho rona.

O se ke wa re isa molekong, o mpe o re lopolle ho e mobe:

Hobane mmuso ke wa hao, le matla, le kganya ka ho sa feleng. Amen.

- Mattheu 6:9-13

Ho Batsoali: Lisebelisoa 1 & 2

Ho Ruta ka Lipotso le Likarabo

Ho botsa lipotso le ho fana ka likarabo tse khutšoane, tse bonolo ke mokhoa o bobebe oa ho ruta o `nileng oa sebelisoa ka makholo a lilemo.

Lipotso le Likarabo tse bukeng ena li hlahisa litumelo tsa motheo tsa Bakreste.

Sesebelisoa 1 se bohlokoa bakeng sa ho ruta bana ba banyenyane haholo. Se fana ka motheo o tiileng oa thuto e eketsehileng ha ba ntse ba hola.

Sesebelisoa 2 se bohlokoa bakeng sa ho ruta bana le basokolohi ba bacha. Likarabo tse fanoeng ke litlhaloso tse khutšoane tse hlahisang menyetla ea puisano e eketsehileng le ho ithuta. Thuto ena e tšoana le sebōpeho sa ntlo: ha e-ea fella ka bo-eona, empa e fana ka motheo oo ho ona lintlha tsa tumelo ea Mokreste e tlang ho ahua holim'a oona.

Lisebelisoa tsee li ka Sebelisoa Joang ke Lelapa

Hore lisebelisoa tsena li tle li sebetse hantle, likarabo ho potso ka `ngoe li lokela ho bolokoa ka hloohong hantle feela joalo ka ha li ngoliloe. Likarabo ha lia lokela ho akaretsoa kapa ho ho hlalosa ka mantsoe a mang. Ho e-na le hoo, mantsoe a lokela ho phetoa a le joalo hantle. Ho boloka ka hloohong mantsoe ao e leng ona hantle ho thusana ka khopolo ea nako e telele `me ho thusa baithuti ho ithuta ho nepa.

Behella ka thoko metsotso e 10 letsatsi le letsatsi hlahlobisisa lipotso le likarabo ho tsoa bukeng ena. Malapa a mang a fumana hore nako tsa lijo, ha e mong le e mong a le teng, ke nako tse ntle tsa ho ithuta.

Ke motho ea etellang pele nako ea ho ruta feela ea lokelang ho tšoara buka ena. Moeta-pele o lokela ho bala potso ebe o fana ka karabo ha ba bang ba ntse ba mametse, ebe ba e bua hammoho.

Phetha hape o bale potso le karabo, ebe ngoana e monyenyanane o ntse a o sala morao. Motho e moholo o lokela ho tsoela-pele ho pheta potso. Butle-butle (ka matsatsi le matsatsi) motho e moholo o lokela ho emisa ho bolela likarabo ha ngoana a ntse a boloka mantsoe ka hloohong a se a tseba ho a bua ntle le ho thusoa. Motho e moholo o tla botsa, ngoana a arabe—ona ke motheo oa thuto ea lipotso le likarabo.

Litaelo tse Eketsehileng tsa Sesebelisoa 2

Eketsa potso e le 'ngoe le e 'nge e ncha ha bohle ba se ba batla ba bolokile ka hloohong karabo e fetileng.

Tsoela-pele ho theosa le lethathamo, ka nako tsohle o ntse o hlahloba, o hlahloba, o hlahlobisisa, o ntse o eketsa butle-butle lipotso ha boholo ba mantsoe a ho qetela a potso le karabo a se a tšoeroe ka hlooho.

Ha mokhahlelo oohle oa lipotso o se o phetoa kaofela 'moho, pheta mokhahlelo kaofela hang ka beke ho

thusa ho tlosa likarabo ho hopoloeng ka nako e khutšoane ho isa ho hore li hopoloe nako e telele.

Butle eketsa lintho tse ncha `me o **tsoele-pele** ka **pheta-pheto**—mekhoa ena e `meli e tla hlahisa liphetho tse ntle ka mokhoa o makatsang ka hara baithuti ba qetang nako e fokolang ba ntse ba latela boetapele ba mosuoe ea nang le thahasello, motsoalle, kapa motsoali. Etsa hore mokhahlelo oa thuto o be monate `meu keteke katleho ea moithuti.

U ka kenyelletsa lipotso le likarabo e le karolo ea borapeli ba lelapa ba letsatsi le letsatsi. U ka `na ua li sebelisa litšebeletsong tsa kereke tsa bana', ka tlhōlisano pakeng tsa lihlopha tsa bana. U ka hlahisa litlhaloso le lipapiso tse eketsehileng ho thusa baithuti ho utloisisa.

Moralo o le Mong oa Khumamelo ea Lelapa

Ho na le litsela tse ngata tsa hoba le khumamelo e kopanetsoeng `moho ke lelapa. Hona ke tatellano e sebetsang ea khumamelo ea lelapa eo ho eona lisebelisuo a tsena li ka sebelisoang:

1. Binang sefela.
2. Phetang **Tumelo ea Baapostola**.
3. Sebetsanang le ho tšoara mokhahlelo o itseng oa **lipotso le likarabo** ka hlooho.
4. Balang khaolo kapa karolo e itseng ka Bibeleng. (Qalang ka ho bala buka tsa evangeli ea Mattheu, Mareka, Luka, le Johanne.)
5. Rapelang mmoho. Pele le rapela, botsa litho tsa lelapa hore na li ka rata ho rapela ka eng. (U ka re, "Re ka u rapella joang?" mme "Re ka rapella ba bang jwang?")
6. Phethela ka **Thapelo ea Morena**.

Sesebelisoa 1

Lipotso le Likarabo bakeng sa Bana ba Banyenyane

Potso tsa Pele

1. Ke mang ea u ratang le ho feta 'm'e le Ntate?

Karabo: Molimo

2. Hobaneng Molimo a u bopile?

Karabo: Ho thaba

3. O ka thaba joang?

Karabo: Ka ho rata Molimo

4. Na ho na le ntho e 'ngoe e ka u thabisang ka ho sa feleng?

Karabo: Che

Molimo

5. Ho na le melimo e mekae?

Karabo: O mong

6. Batho ba bakae ka ho Molimo?

Karabo: Boraro

7. Motho oa pele ka ho Molimo?

Karabo: Ntate

8. Motho oa bobeli ka ho Molimo?

Karabo: Mora

9. Motho oa boraro ka ho Molimo?

Karabo: Moea o Halalelang

Popo

10. Ke mang ea entseng lintho tsohle?

Karabo: Molimo Ntate

11. Ke ka mang Molimo a entseng lintho tsohle?

Karabo: Mora le Moea

12. Molimo o tseba ho etsa lintho tsohle joang?

Karabo: O Matla Oohle.

Botho

13. Molimo o u bopile joang?

Karabo: Ka setšoantšo sa hae

14. Taba ee e u tšelisa joang?

Karabo: `Na ke bohlokoa ho Molimo.

15. Kaha e mong le e mong o entsoe ka setšoantšo sa Molimo, re lokela ho ba tšoara joang?

Karabo: Ka mosa le tlhompfo

Sebe

16. Monna le Mosali ba pele ene e le mang le mang?

Karabo: Adama and Eva

17. Adam le Eva ba ile ba etsa eng?

Karabo: Ba ile ba etsa sebe.

18. Sebe ke sefe?

Karabo: Ho se mamele Molimo

19. Moputso oa sebe ke eng?

Karabo: Lefu

Molimo ea Iponahalitseng ka Nama

20. Ke mang eo Molimo a mo romileng ho re pholosa sebeng le lefung?

Karabo: Mora oa Hae a `notši

21. Mora oa Molimo ke mang?

Karabo: Jesu Krete

22. `M'e oa Jesu e ne e le mang?

Karabo: Moroetsana Maria

23. Ke mang ea faneng ka lesea Jesu ho Maria?

Karabo: Moea o Halalelang

Tefelo

24. Jesu o shoele joang?

Karabo: O ile a thakhisoa.

25. Hobaneng Jesu a ile a shoa?

Karabo: Bakeng sa Libe tsa rōna

26. Ho etsahetse eng ka tsatsi la boraro?

Karabo: O tsohile hape.

27. Hobane Jesu o shoele a boela a tsoha hape, re lumela eng?

Karabo: Ke Morena.

Pholoho

28. Jesu o labile hokae?

Karabo: Ho Ntate oa Hae Leholimong

29. Jesu o ntse a etsa'ng hona joale?

Karabo: O oa Busa ke Morena

30. Hobaneng Jesu a khutla hape?

Karabo: Ho tla ahlola bohle

31. O tlameha ho etsa eng hore o pholoso?

Karabo: Lumela ho Jesu

32. O lokela ho etsa'ng haeba o etsa sebe?

Karabo: Bolella Molimo hore o soabile.

Moea o Halalelang le Kereke

33. Ke mang e mong eo Molimo a mo romileng ho tla re pholosa?

Karabo: Moea o Halalelang

34. Moea o Halalelang o etsa eng bakeng sa hau?

Karabo: O oa nthusu.

35. Moea o Halalelang o u thusa joang?

Karabo: Ka Kereke

36. Kereke ke eng?

Karabo: Lelapa la Molimo

37. O ba karolo ea Kereke joang?

Karabo: Ka kolobetso

Tšeliso

38. Na u hloka ho tšoha?

Karabo: Chee

39. Hobaneng o sa hloke ho tšoha?

Karabo: Molimo o na le `na.

40. Na u ka bona Molimo?

Karabo: Chee

41. Na Molimo a ka u bona?

Karabo: E

Khalaletso

42. Molimo o batla hore u tšoane le mang?

Karabo: Jesu

43. Thato ea Molimo ke efe ka uena melaong ea pele e mene?

Karabo: Ho rata Molimo

44. Thato ea Molimo ke efe ka uena melaong e tšeletseng ea ho qetela?

Karabo: Ho rata oa heso

45. Ke mang eo Molimo o batlang ha o mo utloa?

Karabo: 'M'e le Ntate

46. Thapelo keng?

Karabo: Ho buoa le Molimo

47. Jesu o re rutile ho rapela eng?

Karabo: Thapelo ea Morena

48. Molimo o bua le uena joang?

Karabo: Ka Bibebe

49. Bibebe keng?

Karabo: Lentsoe la Molimo

Lintho tsa ho qetela

50. Keng eo Molimo o e etsang bocha?

Karabo: Lintho tsohle

51. Keng eo Molimo u tla e tsosa bafung?

Karabo: `Mele ea rōna

52. Re thabela eng hona joale 'me re lebeletse ho thabela ka ho sa feleng?

Karabo: Bophelo bo sa feleng

Melao e Leshome (E nolofalitsoe)

Ke `na Jehova Molimo oa hau, ea o pholisitseng.

1. U se ke oa ba le melimo e meng kante ho `na.
2. U se ke ua etsa setšoantšo.
3. U seke oa bapala ka lebitso la Jehova molimo oa hau.
4. Hopola letsatsi la Sabbatha `me o le boloke e le le Halalelang.
5. Hlompha ntatao le `mao.
6. U se ke oa bolaea.
7. U se ke oa feba.
8. U seke oa utsoa.
9. U se ke oa bua leshano.
10. U se ke oa chachehela.

Sesebelisoa 2

Lipotso le Likarabo bakeng sa Bana

Lipotso ka Bibe

1. Re ithuta ho rata le ho utloa Molimo hokae?

Karabo: Ka Bibeleng

2. Bibe keng?

Karabo: Libuka tse 66 tse bululetsoeng ke Molimo tse re rutang ka Molimo le kamoo re ka halaletsoang kateng joalo ka ha a halalela

3. Ke mang a ngotseng Bibe?

Karabo: Batho ba fetang 40 ba ileng ba tataisoa le ho susumetsoa ke Molimo nakong ea lilemo tse fetang 1 600.

4. Bolela libuka tse hlano ka Bibeleng tse bitsoang tsa molao.

Karabo: Genese, Eksoda, Levitike, Numere, Deuteronomi

5. Ke ofe molaetsa oa molao?

Karabo: Molimo o oa halalela, 'me o batla re tšoane le eena.

6. Bolela libuka tsa nalane tsa Testamente ea Khale.

Karabo: Joshua, Baahlodi, Ruthe, 1 and 2 Samuele, 1 and 2 Marena, 1 and 2 Dikronike, Esdrase, Nehemia, Esthere

7. Molaetsa oa libuka tsa nalane ke ofe?

Karabo: Lintho tse ntle li tla ha re latela Molimo ka pelo eohle. Lintho tse mpe li tla ha re sa etse joalo.

8. Bolela libuka tsa lithothokiso Testamenteng ea Khale.

Karabo: Jobo, Dipesaleme, Diproverbia, Moekelesia, Sefela sa Salomone

9. Molaetsa oa libuka tsa lithothokiso ke ofe?

Karabo: Re hlohonolofala ha re batla Molimo maamong oohle.

10. Bolela libuka tsa baporofeta ba ka sehlohong Testamenteng ea Khale.

Karabo: Isaia, Jeremia, Dillo Tsa Jeremia, Ezekiele, Daniele

11. Bolela libuka tsa baporofeta ba banyenyane Testamenteng ea Khale.

Karabo: Hosea, Joele, Amose, Obadia, Jonase, Mikea, Nahume, Habakuke, Sofonia, Haggai, Sakaria, Malakia

12. Hobaneng tsee tsona li bitsoa tsa baporofeta "ba banyenyane"?

Karabo; Ke libuka tse khutšoane ho feta tsa baporofeta ba ka sehlohong.

13. Molaetsa oa baporofeta ke ofe?

Karabo: khutlelang molaong le leratong la Molimo.

14. Bolela libuka tsa evangeli Testamenteng e ncha.

Karabo: Mattheu, Mareka, Luka, and Johanne

15. Molaetsa oa Baevangeli ke ofe?

Karabo: Jesu o tlile, a phela, a shoa, 'me a boela a tsoha bakeng sa rōna.

16. Bolela buka e bolelang nalane ea kereke ea pele kamora tsoho ea Jesu.

Karabo: Diketso

17. Molaetsa oa Diketso ke ofe?

Karabo: Moea o Halalelang o tlile ho Kekere, 'me lentsoe la Molimo la ata.

18. Bolela li-epistole tsa Pauluse.

Karabo: Baroma, 1 le 2 Bakorinthe, Bagalata, Baefese, BaFilipi, BaKolose, 1 le 2 BaThesalonika, 1 le 2 Timothea, Tite, Filemone

19. Molaetsa oa li epistole tsa Pauluse ke ofe?
Karabo: Phela ka mohau oa Molimo le ho loka ha hae.
20. Bolela li Epistole tse Akaretsang.
Karabo: BaHebheru, Jakobo, 1 le 2 Petrose, 1 le 2 le 3 Johanne, le Yuda
21. Molaetsa oa li Epistole tse Akaretsang ke ofe?
Karabo: Mokhoa oa ho phela lefatšeng re le batho ba Molimo
22. Bolela buka ea ho qetela ea Bibeले.
Karabo: Tshenolo
23. Molaetsa oa Tshenolo ke ofe?
Karabo: Jesu ke Morena oa marena 'me haufinyane o tla bakeng sa kereke ea hae e hlotseng.
24. Bolela libuka tsohle tse 66 tsa Bibeले.
Karabo:

Testamente ea Khale

Genese, Eksoda, Levitike, Numere,
Deuteronomoma,
Joshua, Baahlodi, Ruthe, 1 le 2 Samuele, 1
le 2 Marena, 1 le 2 Likoronike,
Esdrase, Nehemia, Esthere,
Jobo, Dipesaleme, Diproverbia, Moekelesia,
Sefela sa Salomone,
Isaia, Jeremia, Dillo Tsa Jeremia, Ezekiele,

Daniele,
Hosea, Joele, Amose, Obadia, Jonase, Mikea,
Nahume,
Habakuke, Sofonia, Haggai, Sakaria, Malakia

Testamente e Ncha

Mattheu, Mareka, Luka, Johanne, Diketso,
Baroma, 1 le 2 Bakorinthe,
Bagalata, Baefese, BaFilipi, BaKolose,
1 le 2 BaThesalonika, 1 le 2 Timothea, Tite,
Filemone, BaHebheru, Jakobo, 1 le
2 Petrose,
1 le 2 le 3 Johanne, Yuda, Tshenolo

25. Molaetsa oa libuka tsee tse 66 tse bululetsoeng ke Molimo ke ofe?

Karabo: Li re ruta ka Molimo le kamoo re ka halalelang joalo ka ha a halalela; kamoo re ka lopolloang le ho fetoleloa setšoantšong sa Jesu Krete.¹

Lipotso holim'a Melao e Leshome

26. Molao oa Molimo keng?

Karabo: Setšoantšo sa hore na Molimo ke mang le tšepiso ea seo re ka bang sona

¹ Qotsulo, “hore na re ka lopolloa joang le fetohela setšoantšong sa Jesu Krete” e ekelelitsoe karabong ea sethathong.

27. Ke hokae ka har'a Bibe le moo Melao e Leshome e fumanehang?

Karabo: ka ho Eksoda 20:1-17

28. Melao e Leshome keng?

Karabo: Melao e filoeng batho ba Molimo' Mt. Sinai

29. Ke mang ea faneng ka Melao e Leshome?

Karabo: Molimo

30. Ke mang ea amohetseng Melao e Leshome?

Karabo: Moshe

31. Molao oa pele o re "U se ke ua ba le melimo e meng ka pel'a ka..." Molao oo o bolelang?

Karabo: Re lokela hore kamehla re behe Molimo pele.

32. Molao oa bobeli o re "O se ke oa iketsetsa setšoantšo se betliloeng..." Molao oo o bolelang?

Karabo: Ho fosahetse ho rapela eng kapa eng ntle le Molimo.

33. Molao oa boraro o re "U se ke ua sebelisa lebitso la Jehova Molimo oa hao lefeela..." Molao oo o bolelang?

Karabo: Re lokela ho tšoara ho boleloa ha Molimo ka tlhomphe e khōlō.

34. Molao oa bone o re "Hopola letsatsi la Sabata ho le khetha." Molao oo o bolelang?

Karabo: Ka Sontaha re lokela ho khumamela Molimo le ho phomola.

35. Molao oa bohloano o re "Hlonepha ntat'ao le 'm'ao..." Molao oo o bolelang?

Karabo: Re lokela ho rata le ho hlonepha batsoali ba rōna.

36. Molao oa botšelela o re "O se ke oa bolaea." Molao oo o bolelang?

Karabo: Ha rea lokela ho bolaea batho ba bang ntle le molao.

37. Molao oa bosupa o re "O se ke oa feba." Molao oo o bolelang?

Karabo: Thobalano e etselitsoe lenyalo feela.

38. Molao oa borobeli o re "O se ke oa utsoa." Molao oo o bolelang?

Karabo: Ha rea lokela ho nka lintho tseo e seng tsa rōna.

39. Molao oa borobong o re "U se ke ua fana ka bopaki ba bohata khahlanong le oa heno." Molao oo o bolelang?

Karabo: Re lokela ho bua 'nete ka nako tsohle.

40. Molao oa leshome o re “O se ke oa chachehela...” Molao oo o bolelang?

Karabo: Re lokela ho khotsofalla lintho tseo Molimo a re fileng tsona.

41. Ke efe melao e `meli eo Jesu a ileng a re e meholohali?

Karabo: U rate Morena Molimo oa hao ka pelo ea hao eohle, le ka moea oa hao oohle, le ka khopolo ea hao eohle. Mme oa bobeli o ts'oanang le oona ke o reng: Rata oa heno joalokaha o ithata.

42. Hobaneng melao ee kaofela e le bohlokoa ho rōna?

Karabo: E hlalosa bophelo boo Molimo oa rōna ea halalelang a re batlelang bona.

Potso ea tlatsetso: Qotsa molaetsa o felletseng oa Melao e Leshome joalo ka ha e fanoe ho Eksoda 20:1-17.

Lipotso holima Thapelo ea Morena

43. Ke mang eo pele ea ileng a rapela Thapelo ea Morena?

Karabo: Jesu, ha a ne a ruta barutuo ba hae ho rapela.

44. Ke hokae Bibeleng moo thapelo ea Morena e fumanehang?

Karabo: Ka ho Mattheu 6:9-13

45. Mantsoe a Thapelo ea Morena ke afe?

Karabo:

Ntata rona ea maholimong, lebitso la hao le ke le khethehe.

`Muso oa hao o tle.

Thato ea hao e etsoe lefatšeng, joalokaha e etsahala leholimong.

O re fe kajeno bohobe ba rona ba tsatsi le leng le le leng.

Mme o re ts'oarele melato ea rona, joalokaha le rona re ts'oarela ba nang le melato ho rona.

O se ke oa re isa molekong, o mpe o re lopolle ho e mobe:

Hobane `muso ke oa hao, le matla, le khanya ka ho sa feleng. Amen.

46. Taba ee e bolelang: "Lebitso la hao le ke le khethehe"

Karabo: Re batla ho tlotla le ho rata Molimo oa rōna ea halalelang.

47. Taba ee e bolelang: "`Muso oa hao o tle"

Karabo: Molimo ke Morena oa rōna. Re batla hore bohle lefatšeng ba mo tsebe e le Morena.

48. Taba ee e bolelang: "Thato ea hao e etsoe lefatšeng, joalokaha e etsahala leholimong"

Karabo: Re batla sohle seo Molimo o se batlang.

49. Ntho ee e bolelang: "O re fe kajeno bohobe ba rona ba tsatsi le leng le le leng"

Karabo: Re kopa Molimo ho arabela litlhoko tsohle tsa rōna.

50. Ntho ee e bolelang: "Me o re ts'oarele melato ea rona, joalokaha le rona re ts'oarela ba nang le melato ho rona"

Karabo: Re kopa Molimo ho re tšoarela joalo ka ha re tšoarela ba bang.

51. Ntho ee e bolelang: "O se ke oa re isa molekong, o mpe o re lopolle ho e mobe"

Karabo: Re kopa Molimo ho re sireletsa sebeng sohle.

52. Taba ee e bolelang: "Hobane 'muso ke oa hao, le matla, le khanya ka ho sa feleng"

Karabo: Molimo ke Morena ea Matla 'Ohle ea busang leholimo le lefatše ka ho sa feleng.

53. Hobaneng Thapelo ea Morena e le bohlokoa?

Karabo: E re thusa ho tsepama ho Molimo joalo ka Ntate oa rōna ea Halalelang.

Lipotso holim'a Mahlohonolo

54. Mahlohonolo keng?

Karabo: Thuto ea Jesu mabapi le semelo sa khalalelo

55. Mahlohonolo a fumanoa hokae?

Karabo: ka ho Mattheu 5:3-10

56. Bolela mahlohonolo.

Karabo:

Ho lehlohonolo ba futsanehileng moeeng, hobane `muso oa maholimo ke oa bona.

Ho lehlohonolo ba llang, hobane ba tla tšelisoa.

Ho lehlohonolo ba bonolo, hobane ba tla rua lefatše.

Ho lehlohonolo ba lapelang ho loka le ba nyoretsoeng ho loka, hobane ba tla khorisoa.

Ho lehlohonolo ba mohau, hobane ba tla hauhelo.

Ho lehlohonolo ba pelo li hloekileng, hobane ba tla bona Molimo.

Ho lehlohonolo ba bopang kgotso, hobane ba tla bitsoa bana ba Molimo.

Ho lehlohonolo ba hlorisetsoang ho loka; hobane `muso oa maholimo ke oa bona.

57. Ho bolelang ho ba futsanehileng moeeng?

Karabo: Ho amohela hore o moetsalibe `me o hloka thuso ea Molimo

58. Ho bolelang ho lla?

Karabo: Ho soabela lintho tse soabisang Molimo

59. Ho bolelang ho ba bonolo?

Karabo: Ho fa Molimo taolo ea bophelo ba hau

60. Ho bolelang ho lapa le ho nyoreloa ho loka?

Karabo: Ho laba-labela kannete Maemo a Molimo bophelong ba hau

61. Ho bolelang ho ba mohau?

Karabo: Ho qenehela batho bohle

62. Ho bolelang ho ba le pelo e hloekileng?

Karabo: Ho rata Molimo ka pelo ea hau eohle

63. Ho bolelang ho bōpa khotso?

Karabo: Ho thusa batho hoba le setsoalle le Molimo le e mong ho emong

64. Ho bolelang ho hlorisetsoa ho loka?

Karabo: Ho utloa bohloko ka thabo bakeng sa `muso oa Molimo

Lipotso ka Molimo

65. Melimo e teng e mekae?

Karabo: Hona le Molimo a mong feela.

66. Ke batho ba bakae ba teng ho Molimo a le mong?

Karabo: Boraro — Molimo Ntate, Molimo Mora, le Molimo Moea o Halalelang

67. Ke lefe lentsoe le hlalolang Molimo hantle?

Karabo: Molimo oa halalela.

68. Molimo o moholo ha kae?

Karabo: Molimo ke oa ka ho sa feleng. Esale a le teng . O tla lula a le teng.

69. Molimo o hokae?

Karabo: Molimo o hoohle moo o batlang ho ba teng.

70. Molimo a ka etsa eng?

Karabo: Molimo a ka etsa sohle seo o batlang ho se etsa.

71. Molimo o tsebang?

Karabo: Molimo o tseba sohle seo o batlang ho se tseba.

72. Na ho na le ntho e matla ho feta Molimo?

Karabo: Chee

73. Molimo ke `mopi. O bopile eng?

Karabo: Lintho tsohle

74. Hobaneng Molimo a u bopile?

Karabo: E le hore a tle a nthate le ho nthabela

Lipotso mabapi le Botho, Sebe, le Pholoho

75. Banna le basali ke eng?

Karabo: Batho ba ka tsebang le ho rata Molimo

76. Batsoali ba rōna ba pele e ne e le bo-mang?

Karabo: Adama le Eva

77. Keng se entseng hore Adama le Eva ba fapane le liphoofole tsohle?

Karabo: Adama le Eva ba ne ba e-na le moea; liphoofole ha li na ona.

78. Na o na le moea?

Karabo: E, Ke na le moea o ke keng oa shoa.

79. Sebe keng?

Karabo: Ea (pele) ke ho hloka kutlo molaong o tsebisahalang oa Molimo.

80. Sebe se etsang?

Karabo: Se senya kamano ea rōna ea lerato le Molimo

81. Ke mang ea entseng sebe sa pele?

Karabo: Adama le Eva

82. Adama le Eva ba entse pohoso ea eng?
Karabo: Ba ile ba ja tholoana eo Molimo o neng o ba boletse hore ba se ke ba e-ja `me ba senya kamano le eena.
83. Ke mang a ileng a leka Adama le Eva hore ba etse sebe?
Karabo: Liabolosi
84. Sebe seo se re amile joang?
Karabo: Adama le Eva ba fetiselitse sebe ho batho batho; `me bohle re baetsalibe.
85. Baetsalibe ba lokeloa ke eng?
Karabo: kahlolo ea Molimo le lefu
86. Na re ka ea leholimong re le baetsalibe (ka boomo)?
Karabo: Chee
87. Haeba re sa ee leholimong ha re e-shoa, ke hokae moo re tlang ho ea?
Karabo: Liheleng
88. Pholoho keng?
Karabo: Ho tšoareloa libe tsa rōna (ka tumelo lefung la Jesu', lepato, le tsoho bakeng sa rōna) le ho rata Molimo
89. Hobaneng re hloka pholoho?
Karabo: Bohle re baetsalibe.

90. Ho hlokahalang bakeng sa pholoho?

Karabo: Ka mohau re pholoso ka tumelo ho Krete Jesu.

91. Na ho teng tsela e 'ngoe ea ho bolokeha?

Karabo: Che, re ka pholoso feela ka mohau ka tumelo ho Krete Jesu.

92. Ha re pholoso sebeng sa rōna, ho etsahalang?

Karabo: Re rata Molimo le ba habo rōna 'me re hōla takatsong ea rōna ea ho mo khahlisa.

Lipotso mabapi le Jesu

93. Jesu ke mang?

Karabo: Jesu ke Molimo ea ileng a fetoha motho, Mopholosi oa rōna.

94. Molopolli keng?

Karabo: Ke eena feela ea re pholosang sebeng sa rōna.

95. Jesu ke motho kapa Molimo?

Karabo: Ka bobeli ke motho ea phethahetseng le Molimo ea phathahetseng.

96. Keng se neng se khethehile ka tsoalo ea Jesu?

Karabo: O ile a tsoaloa ke moroetsana Maria ka Moea o Halalelang.

97. Jesu o ile a etsa'ng ha a ne a phela lilemo tse ka bang 2 000 tse fetileng?

Karabo: O ne a ruta barutuo ba hae, a hlokomela mafutsana, 'me a shoa sefapanong ho lefella libe tsa rōna.

98. Ho lefella libe tsa rōna ho bolelang?

Karabo: Ho bolela hore Jesu o nkile kotlo eo ka tšoanelo e re lokelang ka ho shoa sefapanong e le hore retle re be le kamano le Molimo.

99. Ho ile ha etsahalang kamor'a lefu la Jesu?

Karabo: Ka mor'a ho behoa ka lebitleng, o ile a tsoha hape 'me a hlōla lefu.

Lipotso ka Moea o Halalelang

100. Moea o Halalelang ke mang?

Karabo: Ke motho oa boraro ho Boraro bo teroneng.

101. Moea o Halalelang o tlike neng ho latela tšepiso ea Jesu?

Karabo: Ka nako ea mokete oa BaYuda oa Pentakonta, matsatsi a 50 kamor'a tsoho ea Jesu

102. Pentekonta keng?

Karabo: Letsatsi la tsoalo ea kereke, ha Moea o Halalelang a ne a tlatsa balumeli ba Jesu

103. Moea o Halalelang o etsang kajeno?

Karabo: O halaletsa balumeli.

104. Moea o Halalelang o halaletsa batho joang?

Karabo: O kholisa le ho hloekisa batho sebeng, o oa re ruta le ho re tataisa, o re fa matla a Semoea, le ho fa lineo tsa moea le litholoana tsa Moea.

105. Tholoana ea Moea keng?

Karabo: Tholoana ea Moea ke lerato, thabo, khotso, le sebete, le khauho, le molemo, le botšephehi, le bonolo, le boitšoarō.

106. Neo ea Moea keng?

Karabo: Bokhoni boo re bo filoeng ke Moea o Halalelang ho thusa ho phethahatsa Thomo e Kholo.

107. Thomo e Kholo ke eng?

Karabo: Litaelo tseo Jesu a ileng a li fa barutuoā ba hae hore ba ilo etsa barutuoā ba lichaba tsohle, ba ba kolobetse le ho ba ruta ho mamela lithuto tsa hae

108. Paki ea Moea keng?

Karabo: Boitemoho bo ka hare ba hore tumelo ea rōna e khahlisa Molimo

109. Moea o Halalelang o ka nthusa joang?

Karabo: A ka nthusa ho rata Molimo le thato ea hae ka pelo eohle.

110. Ho bolelang ho ba Mokreste ea "phethehileng"?²

Karabo: Ho rata Molimo ka pelo eohle ea hau, moea oa hau oohle, le matla a hau oohle

Lipotso ka Lintho Tsa ho Qetela

111. Na Jesu ka letsatsi le leng o tla khutla ka sebōpeho sa botho, se bonahalang?

Karabo: E

112. Hobaneng Jesu a tla khutla hape?

Karabo: Ho nkela kereke ea hae ho eena

113. Taba ee e tla etsahala neng?

Karabo: Ha re tsebe neng, kahoo re tlameha ho lula re itokisitse.

114. Re ka itokisetsa joang joang?

Karabo: Phela kamanong ea lerato le Molimo motsotso le motsotso.

115. Ho tlo etsahalang kamor'a hore Jesu a khutle?

Karabo: Batho bohle ba tla ahloloa, 'me getellong Satane o tla hlōloa.

² Potso ena e ne e le Potso ea 119 bukeng eo ho qaliloeng ka eona.

116. Kamor'a hore Satane a hloloe ho tlo etsahalang?

Karabo: Re tla rata Molimo 'me re mo thabele ka ho sa feleng.

Lirapa tsa Mangolo bakeng sa ho Hopoloa ka Hlooho

- Eksoda 19:3-6
- Eksoda 20:1-17 – Melao e Leshome
- Deuteronomoma 6:4-9
- Dipesaleme 1
- Dipesaleme 23
- Dipesaleme 24
- Dipesaleme 121
- Dipesaleme 139
- Mattheu 7:21-27
- Mattheu 28:18-20
- Johanne 3:16-21
- 1 Bakorinthe 13:1-13
- Bagalata 5:16-25
- Baefese 6:10-17
- BaFilipi 2:5-11
- BaHebheru 12:1-3
- 1 Petrose 2:9-12
- Tshenolo 21:4-8

Ho Batsoali: Sesebelisoa 3

Sepheo sa Sesebelisoa sena

Sesebelisoa sena se fana ka melao-motheo ea bophelo ho tsoa bukeng ea Diproverbia bakeng sa ho sebelisoa lelapeng kapa sekolong kapa maemong a mang a thuto. Thepa ena ha e-ea etsetsoa ho rutoa ka nako e le 'ngoe e le thuto e le' ngoe. Ho molemo ho ruta le ho buisana ka molao-motheo o le mong kapa e 'meli letsatsi ka leng.

Mokhoa oa ho ruta

(1) Motho o lokela ho bala litemana tse tsamaeang le molao-motheo. Haeba ho na le litemana tse 'maloa, motsoali/mosuo e a ka khetha hore na o sebelisa efeng.

(2) Motsoali/mosuo e o lokela ho etsa bonnete ba hore bamameli ba utloisisa mantsoe le lipolelo tsa litemana.

(3) Joale motsoali/mosuo e a ka arolelana molao-motheo o thehiloeng temaneng.

(4) Motsoali/mosuo e le ba bang ba ka hlalosa maemo a bophelo moo molao-motheo o sebetsang teng.

Mehopolo e ho Diproverbia

Tšabo ea Molimo ke khopolo ea bohlokoa bukeng ea Diproverbia. Ho tšaba Molimo hantle ho bolela ho

tseba lintho tse tharo: hore na ke mang, hore re mo mamele, le hore re tla ahloloa ka lebaka la ho se mamele.

Bohlale ke sehloohon sa mantlha ka har'a Diproverbia. Ho ba le *bohlale* ke ho amohela le ho latela maikutlo le litsela tsa Molimo. Molimo o bona lintho kamoo li hlileng li leng kateng, kahoo re bohlale ha re lumela seo Molimo a se buang le ho latela litaelo tsa hae.

Batsoali le matichere ba lokela ho itlama ka bobona ho latela melao-motheo ea Diproverbia. Ba lokela ho bontša mokhoa oa melao-motheo bophelong ba bona. Ba lokela ho ruta bana ba bona le liithuti melao-motheo le ho batla litsela tsa ho sebelisa melao-motheo maamong a bophelo.

Sesebelisoa 3

Melao-motheo ho tsoa ho Diproverbia

1. Ho ithuta bohlae ba Molimo ke ntho e bohlokoa haholo eo nka e etsang (Diproverbia 2:4-5, Diproverbia 4:5).
2. Ha kea lokela ho lumela ntho e 'ngoe le e 'ngoe eo ke e utloang (Diproverbia 14:15).
3. Ke lokela ho latela thato ea Molimo liqetong tsohle tsaka a tle a tsebe ho ntataisa (Diproverbia 3:5-6).
4. Ke lokela ho mamela keletso le bohlae bo tsoang ho ntate le 'm'e (Diproverbia 1:8).
5. Keletso e ntle e hlohonolofatsa bophelo ba ka mme e ntumella ho thusa ba bang (Diproverbia 10:17).
6. Haeba ke iphapanyetsa thuto e ntle, ke tla hlaheloa ke koluoa (Diproverbia 13:18).
7. Taelo e ntle e nthusa ho aheha le ho ntlafala (Diproverbia 9:9).
8. Molimo ha a batle hore ke be hlaha kapa ke be bolotsana (Diproverbia 3:31-32).
9. Ke hloka ho ba le sepheo se nepahetseng pelong ea ka (Diproverbia 4:23, Diproverbia 12:5).

10. Molimo o tseba lebaka la sebele leo ka lona ke etsang hoo ke ho etsang. (Diproverbia 16:2).
11. Ke leoatla haeba ke sa natse tsebo le khalemelo (Diproverbia 1:22, Diproverbia 12:1).
12. Ho latela thato ea Molimo ho ntšireletsa likoluoeng tse ngata (Diproverbia 1:33).
13. Nka lokoloha tšabong ka ho tšepa Molimo (Diproverbia 3:25-26).
14. Ke lokela ho tšepa Molimo ho ena le ho itšetleha holima kutloisiso eaka le bokhoni ba ka (Diproverbia 3:7, Diproverbia 11:2, Diproverbia 12:15).
15. Nkeke ka pata libe ka ho sa feleng (Diproverbia 10:9).
16. Melao ea Molimo e-ea ntšireletsa le ho nthusa (Diproverbia 6:23-24).
17. Ke matla haeba nka laola litakatso tsaka le maikutlo (Diproverbia 16:32, Diproverbia 25:28).
18. Haeba ke bua ka bohlasoa, ke intša kotsi le ba bang (Diproverbia 10:8, Diproverbia 10:21).
19. Ke lokela ho tsamaela hole le batho ba lehang ho nkisa bobeng (Diproverbia 1:10-15, Diproverbia 4:14-15, Diproverbia 14:7, 16).

20. Ke lokela ho khetha metsoalle e nang le semelo seo ke batlang hoba le sona (Diproverbia 13:20).
21. Molimo o bona sohle seo ke se etsang (Diproverbia 5:21, Diproverbia 15:3).
22. Metsoalle eaka e bona bohlokoa ho nna haeba ke na le tšepahi ebile ke na tšepahala (Diproverbia 19:22).
23. Ho arolelana bophelo le batho bao ke ba ratang ho molemo ho feta mahali-hali (Diproverbia 15:17).
24. Ke lokela ho nka nako e lekaneng ho nahana ka liqeto ka hloko (Diproverbia 21:5, Diproverbia 19:2).
25. Haeba ke le bohlale, ke tla rata tsebo, `me ke tla ba hlokolosi (Diproverbia 8:12).
26. Ke tla qoba lino tse tse tahang hobane li baka boitšoarō bo bobē (Diproverbia 20:1).
27. Ha kea lokela ho leka ho iphetetsa ho ba bang empa ke lokela ho tšepa Molimo ho tlisa toka (Diproverbia 20:22).
28. Ke lokela ho leka ho ba le khotso ho e-na le ho loana le ba bang (Diproverbia 3:30, Diproverbia 20:3, Diproverbia 10:12).
29. Ha kea lokela ho bua leshano ho kenya ba bang mathateng (Diproverbia 30:10).

30. Haeba ke tšepahala, nkeke ka bolela makunutu ho baka mathata (Diproverbia 11:13, Diproverbia 20:19).
31. Haeba kena le botho bo botle, ke tla bua `nete. (Diproverbia 13:5, Diproverbia 14:5).
32. Ke lokela ho nahana ka hloko pele ke bua (Diproverbia 15:28).
33. Ha kea lokela ho potlakela ho nyatsa le ho ba le likhohlano le ba bang (Diproverbia 11:12, Diproverbia 17:27).
34. Ke leoatla haeba ke halefa kapele (Diproverbia 12:16, Diproverbia 14:29).
35. Ke lokela hoba hlokolosi hore mantsoe a ka a tle a hlohonolofatse batho eseng ho ba ntša kotsi (Diproverbia 12:18, Diproverbia 12:25, Diproverbia 16:24, Diproverbia 18:21).
36. Ke lokela buoa `nete kamehla (Diproverbia 4:24, Diproverbia 12:17).
37. Ke lokela ho mamela lintlha pele ke fana ka maikutlo (Diproverbia 18:13).
38. Haeba ke bua haholo, ke buoa lintho tsa boetsalibe (Diproverbia 10:19).
39. Ke lokela ho fana ka tlhompho e ikhethang ho ba holileng (Diproverbia 16:31, Diproverbia 20:29).

40. Ho loka le `nete li tla ntlisetsa tlhohonolofatso ho tsoa ho Molimo le tlhompho ho tsoa ho batho (Diproverbia 3:3-4).
41. Molimo o tla nkhalama ha ke etsa bobehobane oa nthata (Diproverbia 3:12).
42. Pele ke etsa qeto, ke lokela ho nahana ka litlamorao (Diproverbia 22:3).
43. Haeba ke etsa sebe, ke tla kotula litlamorao tse bohloko (Diproverbia 6:27).
44. Haeba ke le botsoa, ke tla hloka joalo ka ha eka ke utsoelitsoe (Diproverbia 6:10-11, Diproverbia 19:15).
45. Ha kea lokela ho ba botsoa hobane ho ba botsoa ho tšoana le ho senya (Diproverbia 18:9).
46. Ke lokela ho sebetsa le ho sebelisa menyetla ho ntlafatsa bokamoso ba ka (Diproverbia 6:6-8, Diproverbia 20:13).
47. Ha kea lokela ho ba sehlōhō ho liphoofole (Diproverbia 12:10).
48. Diketso tsa ka li mpha botumo (Diproverbia 20:11).
49. Ke lokela ho rera ho mamella le ho phehella linakong tse thata (Diproverbia 24:10).

50. Ke lokela ho ikemisetsa ho sebetsa ka nako e nepahetseng bakeng sa liphetho tse ntle ka ho fetisisa (Diproverbia 10:5, Diproverbia 20:4).
51. Botsoa bo tliša mathata a mangata bophelong, empa mosebetsi o tliša menyetla (Diproverbia 15:19, Diproverbia 14:23).
52. Ha kea lokela ho leka ho fumana phaello ka ho etsa ntho e sa tšepahaleng (Diproverbia 10:2, Diproverbia 11:18, Diproverbia 15:27).
53. Nka fumana chelete ka ho sebetsa le ho boloka (Diproverbia 10:4, Diproverbia 12:11, Diproverbia 13:11, Diproverbia 21:20, Diproverbia 28:19).
54. Molimo o tla mpha seo ke se hlokanang haeba ke lokile (Diproverbia 10:3).
55. Molimo o tla hlohonolofatsa chelete ea ka le thepa ea ka haeba ke fana ho Molimo (Diproverbia 3:9-10).
56. Ke lokela ho lefa ba bang seo ke ba kolotang sona kapele kamoo nka khonang (Diproverbia 3:27).
57. Ke lokela ho fana ka seatla se bulehileng ho batho ba nang le litlhoko (Diproverbia 11:24-25, Diproverbia 14:21, Diproverbia 19:17, Diproverbia 21:13).

58. Chelete ea ka ha e mpoloke ke sireletsehile, empa ho loka ha ka ho etsa joalo (Diproverbia 2:7-8, Diproverbia 10:9, Diproverbia 10:25, Diproverbia 11:28).
59. Ha kea lokela ho jara boikarabelo ba likoloto tsa motho e mong (Diproverbia 6:1-3, Diproverbia 17:18).